



**OBAVIJEST O ODRŽAVANJU JEDANAESTOG NAUČNO-STRUČNOG SKUPA
FILOZOFSKOG FAKULTETA UNIVERZITETA U ZENICI
*NAUKA I SAVREMENOST***

U skladu sa programom naučnoistraživačke djelatnosti i Odlukom Naučno-nastavnog vijeća Filozofskog fakulteta Univerziteta u Zenici broj 04-200-001-173/25 s 20. sjednice održane 09.07.2025. godine o usvajanju *Elaborata o opravdanosti održavanja Jedanaestog naučno-stručnog skupa*, Filozofski fakultet Univerziteta u Zenici obavještava naučnu i stručnu javnost da organizira naučno-stručni skup.

Naziv Skupa:	<i>Nauka i savremenost</i>
Vrijeme i mjesto realizacije:	<i>04. i 05. 06. 2026. godine u Zenici</i>
Organizator:	<i>Filozofski fakultet Univerziteta u Zenici</i>
Karakter Skupa:	<i>međunarodni</i>
Motivacija:	<i>društvene potrebe, kontinuiran naučnoistraživački rad</i>

Opravdanost održavanja Skupa

Živimo u dobu koje obilježava nastojanje da se obezbijede jednaki uvjeti za stjecanje znanja i sposobnosti koji su neophodni za uključivanje u savremene društvene tokove. Evropska unija zalaže se za očuvanje nacionalne, regionalne, kulturne i jezičke raznolikosti, ali i za suverenitet obrazovne politike svake države članice. Na putu ka Evropskoj uniji Bosna i Hercegovina se uključuje u procese koji podrazumijevaju i razvoj i unapređenje obrazovnog sistema prema najvišim standardima koji obezbjeđuju kvalitetno obrazovanje za sve.

Motiviran potrebama daljeg unapređenja nauke i istraživanja i u skladu sa novim naučnim dostignućima, Filozofski fakultet Univerziteta u Zenici organizira **Jedanaesti naučno-stručni skup** pod nazivom **NAUKA I SAVREMENOST**.

Na ovom susretu naučnika i stručnjaka treba doći do prezentacije i razmjene pozitivnih naučnih dostignuća i dosad stečenih iskustava u pojedinim oblicima edukacije. Tako će Skup pridonijeti prezentiranju novih naučnih saznanja i naučnoistraživačkih rezultata.

Cilj Skupa

Skup će doprinijeti stimulaciji produktivnijeg naučno-istraživačkog rada u humanističkim, društvenim i prirodnim naukama, ali i promociji interdisciplinarnih istraživanja, koje su zastupljene na Filozofskom fakultetu Univerziteta u Zenici.

Tematske oblasti

Na Skupu će se prezentirati radovi iz sljedećih tematskih oblasti:

- Edukacija za 21. vijek
- Primjena savremenih tehnologija u nastavi
- Savremena lingvistička istraživanja
- Savremena književnohistorijska i književnoteorijska istraživanja
- Primjena umjetne inteligencije u obrazovanju: inovacije, izazovi i perspektive
- Izazovi savremenog doba u kontekstu mentalnog zdravlja
- Da li je moguća netotalitarna zajednica/politika?
- Kultura, turizam, interkulturalizam

Organizacija i održavanje Skupa

Skup će se održati u Zenici 04. i 05. juna 2026. godine.

Učesnici mogu prijaviti **samo jedan autorski ili koautorski rad**.

Na jednom radu može biti **maksimalno 3 koautora**.

Slanjem rada autori pristaju na njegovo objavljivanje bez obzira na kategorizaciju rada od strane recenzenta.

Učesnici Skupa sami će snositi troškove putovanja i boravka u Zenici tokom održavanja Skupa.

Jezici Skupa bit će bosanski, hrvatski, srpski, crnogorski, romski, engleski, njemački i turski jezik.

Važni datumi

Rok za dostavljanje sažetaka:	31. 12. 2025.
Rok za dostavljanje rada:	31. 03. 2026.
Obavijest o prihvatanju rada:	30. 04. 2026.

Online izdanje časopisa SaZnanje u kojem se objavljuju radovi sa Skupa bit će priređen do datuma održavanja Skupa i dostupan na internetskoj stranici Filozofskog fakulteta. Časopis je uključen u CEEOL bazu podataka.

Organizacioni odbor